

贛縣志卷八

地理志

風俗

古者陳詩以觀風命諸太史入國而問俗詳於禮經蓋必周知其風俗而後可徐施其政教也贛山水湍激民人悍獷而猛烈奮稱難治自歷代鉅公鎮撫名儒過化固已衣冠文物駸駸日盛矣惟地近閩粵五方雜處恆易流於侈靡有化民成俗之責者變化之整齊之因時利導之安在其性之不可遽復耶

冠禮惟士大夫家行之庶民則於受室前夕召集親友祖父以冠加於其首醮於堂而命之字從其便也婚娶必擇家世相當者六禮悉倣古問名而後納采行聘俱辭不受止受服飾而已嫁女擇壻首重儒生故父兄每勤於延師子弟亦勉於學 喪祭往時多遵文公家禮銘旌車服罔敢踰制今士大夫家雖猶守家禮漸以粉飾以美觀瞻者贛民重違其鄉聚族而居必建宗祠置祭田修族譜以尊祖睦族長幼親疎秩然而不紊 贛子弟

贛縣志

卷八

風俗

頗聰穎閒有一二從事于謁者必衆恥之故士多鍵戶讀書畏謹自愛 贛多山谷葬高則受風而蟻生葬卑則受濕而水至故擇葬者每以福蔭之故久暴其親或至侵占召禍而墳墓之訟常多 贛俗崇尚賽神城內外百餘廟每歲燈節後即畫龍舟祀奉彌月盛筵演劇送神之日鉦鼓沸地旗旛蔽天計其費可敵中人百家之產 贛俗主賓相見之禮多有重賓主而忽倫序其不同居而相適者弟居兄右猶子居季父之上以及甥舅中表皆然此不可不謹 陶士行以樗蒲爲牧豬奴戲贛屬士民反因之以爲曠達 鄉居之民力耕者衆近多閩廣僑戶栽菸牟利頗奪南畝之膏又生齒日繁遊手者衆贛人謂之浮口一浮口輒費數農之食其拳勇馳逐遇事風生者更爲良民之蠹 閩門頗皆巖窟寺觀仙佛之會亦鮮少艾者其縉紳之家則絕無之清明之遊曰踏青上元中秋之遊曰靡青鄉邑或有或無亦不同也

大由鄉婚嫁喪祭宴會服飾較城稍儉士子家絃戶誦自愛者多
愛敬鄉地界輿國粵都田腴民勤最稱富饒婚嫁喪祭多從簡便

四會鄉地腴民繁婚嫁喪祭多行家禮宴會服飾悉尚儉樸且男婦勤勞操作不留餘力
長輿鄉地僻人稠婚喪俱從樸廬舍器物悉守高曾所遺男婦多壽至期頤
章水鄉地廣民散編圖三十有九每圖人丁不下數百廣衍百里土俗雖各不同而禮文
從儉多先民之遺風焉

雲泉鄉地狹民醇婚祭悉準家禮各有大小宗祠春秋舉祭出入相見者雖力田負薪亦
循循拱揖禮讓之俗最近古云

論曰昌黎稱張署刺度使通經吏及諸生之傍郡學鄉飲婚喪之禮此贛州禮教之所
由始也宋初劉執中繼治革其陋習加以周程諸子過化是邦一時郡人彬彬乎質有
其文明正嘉閒姚江以功業濟其講學順風而呼人士景從於是衣冠文物爲海內所
稱大都君子以通經學古爲務小人以力農輸賦爲先守禮畏法由來舊矣然贛介居
江嶺郡郭則五方雜處俗易流靡山谷則粵閩僑居犷悍之習時染邇來冠婚喪祭競
尚奢華賽神演劇尤極糜費雖山谷之民視通都頗質而距古亦彌遠矣官斯土者禁

贛

縣志

卷八

風俗

二

游惰勸農力黜奢崇儉訪其善者而獎勵之邇其弊者而懲創之庶風俗日進於醇厚
歟